

職方典第一千四百四十七卷

太平府部彙考一

太平府建置沿革考

府志

本府

古南粵地處夏以前皆荒服周顯王時楚滅越族類散處江南海上號甌越駱越揚越各爲君長故稱百粵太平其駱越也秦始皇定粵置郡太平爲象郡漢武元鼎六年滅南粵分九郡太平號麗江屬交趾晉以來沒於西原獯獠居之唐太宗貞觀初置左江鎮分諸蠻州屬邕州都督府元和十五年爲西原黃峒酋長黃世卿所陷世卿死子倡侃以地歸邕州宋仍唐制仁宗皇祐初陷於廣源蠻儂智高五年樞密使狄青平智高改左江鎮爲太平寨控制元世祖十五年陞太平寨爲太平路明洪武元年改太平路爲太平府

皇清因之

養利州

在府治北一百里古名歷陽爲西原農峒地唐末始置州宋隸太平寨元隸太平路明初隸太平府土官趙姓承襲宣德六年因趙文安以罪誅滅改除流官仍隸太平府

皇清因之編戶二十里

左州

在府治東一百里古名左陽爲西原黃岡地宋建爲州元隸太平路明初隸太平府以土官黃姓承襲天順間改爲流官

皇清因之編戶四里

永康州

在府治北二百里古名康山爲西原黃岡地宋置縣隸遷降寨元隸太平路明初隸太平府土官楊姓承襲成化八年以罪誅改爲流官仍隸太平府

皇清因之編戶三里

太平州

在府西北八十里古名鄒陽爲西原農峒地唐爲波州宋始置太平州隸太平寨元隸太平路明隸太平府

皇清因之土官李姓沿襲有流官吏目佐之

安平州

在府治西北一百里古名安山爲西原農峒地唐置波州宋改爲安平州隸太平寨元隸太平路明隸太平府

皇清因之土官李姓沿襲流官吏目佐之

茗盈州

在府治北一百六十里古名舊峒爲西原農峒地宋置隸邕州元隸太平路明隸太平府

皇清因之土官李姓沿襲流官吏目佐之

結安州

在府治東北二百二十里古名營周爲西原農峒地宋置結安峒隸太平寨元改爲州隸太平

路明隸太平府

皇清因之土官張姓沿襲流官吏目佐之

全茗州

在府治北一百六十里古名連岡爲西原農峒地宋置隸邕州元隸太平路明隸太平府

皇清因之土官許姓沿襲流官吏目佐之

佶倫州

在府治東北二百三十里古名那兜爲西原農岡地宋置安峒隸太平寨元改爲佶倫州隸太

平路明隸太平府

皇清因之土官馮姓沿襲流官吏目佐之

龍英州

在府治北二百二十里古名英山宋置爲峒隸太平寨元建爲州隸太平路順帝至元十九年
陞爲龍英萬戶府明改爲州隸太平府

皇清因之土官趙姓沿襲流官吏目佐之

都結州

在府治東北三百里古名渠望爲西原農峒地唐爲羈縻州屬邕州宋改都結峒元改爲州隸

太平路明隸太平府

皇清因之土官農姓沿襲流官吏目佐之

崇善縣

去府治六十里古名崇山爲西原農峒地宋建爲縣元隸太平府明宣德二年因土官趙暹謀

叛八年改除流官嘉靖十九年遷附本府

皇清因之編戶三里

羅陽縣

在府治東二百里古名福利爲西原農峒地宋置縣隸遷隆寨元隸太平路明隸太平府

皇清因之土官黃姓沿襲佐以流官典史

萬承州

在府治東北一百五十里古名萬陽爲西原農峒地唐置萬承萬形二州隸邕州宋併爲萬承州隸太平寨元隸太平路明隸太平府

皇清因之土官許姓沿襲流官吏目佐之

太平府疆域圖

思恩府界

南寧府界

思明府界

交趾界

向武州界

古今圖書集成

方輿彙編職方典第一千四百四十七卷太平府部彙考一太平

太平府疆域考

府志

本府

東至左州一百里屬流官地方

南至江州三十里土官地方

西至龍州一百五十里

土官地方

北至太平州八十里土官地方

養利州

東至萬承州界十五里

西至恩城州界二十里

南至太平州界三十里

北至茗

盈州界二十里

左州

東至崇善縣歇廬界四十里

南至崇善縣交界五十里

西至太平土州界三十五里

北至陀陵土縣界十里

永康州

東至羅陽土縣界三里

南至陀陵羅陽二縣界三十里

西至萬承土州界五十里

北至宣化縣界十里

太平州

境內四至僅七十餘里界接崇善左州安平萬承恩城各州縣地方西南石山壁立巉巖石峒萬仞峯巔東北曠野一望荒坡

安平州

境內四至共計六十餘里西北接連高平莫彝地方東南一隅附近內地下雷太平恩城龍州等地方

茗盈州

東至萬承州界三十里

南至養利州界二十里

西至全茗界一里

北至都結州

界二十八里

結安州

東至信倫州界二里

南至都結州界五里

西至龍英州界二十里

北至向武州

界十五里

全茗州

東至茗盈州界十里

南至茗盈州界三里

西至龍英州界二十里

北至龍英州

界二十里

自州至府二日半程至省會一月程

佶倫州

東至果化州界六十里

南至都結州界五里

西至鎮遠州界十五里

北至歸德

州界二十里

西南至結安州界三里

龍英州

東至養利州界七十里

南至恩城土州界四十里

西至上映土州界十里

北至

結安土州界五十里

東南至養利州界三十里

西南至下雷州界五十里

西北

至都康土州界二十五里

東北至全茗土州界五十里

都結州

東至果化州界三十里 南至茗盈州界十五里 西至結安州界六十里 北至信

倫州界六里 東南至萬承州界五里 崇善縣四至與府同

羅陽縣

東至宣化縣界三十里 南至新寧州界三十里 西至陀陵土縣界三十五里 北

至永康州界八里

萬承州

東至永康州界二十里 南至陀陵縣界四十里 西至養利州界二十里 北至茗

盈州界十里 東北至都結州界六里

形勝附

本府

郡志山圍川遠壤連交趾

新志峻嶺拱朝長江環遶

府志北面附山東南西南三面附江江外崇山峻嶺週圍環包所屬流土州縣遠近不同皆四面附麗

養利州

山圍水遶土司環拱嵩山峙其南武陽擁其東二水合於前帽山鎮於後蠻峯戟列石壁峭懸雖不等名邦勝域而形勢之綿邈亦有足觀者

左州

背擁羣峯面繞一水東南達於馭盧之江西北通於四結之境

永康州

山巒環拱峯巖障蔽考形稽勝惟此而已

太平州

本邑僻處遐陬地屬衝衢山林居半村落零星西南巉巖萬仞東北一望荒坡

安平州

四面石山疊障環遶壁立路逕險巇

茗盈州

本邑偏僻土司地狹民貧村野寥寂民不滿百疆界僅三十餘里形勝更何從考核

結安州

本邑蠻山極目野嶺橫空鳥獸之跡居多人煙之數罕少

全茗州

天末彈丸蠻煙瘴地土民之去留無常村落之絕荒日漸況經僞賊蹂躪愈覺捉襟露肘故形

勝無稽

佶倫州

叢崖疊嶂烟霧連天高峯虎踞曲逕羊腸

龍英州

本邑壤接諸司四面峯巒環繞其爲蟠踞雄峙亦一州之勝槩也

都結州

本邑徑僻坵荒豺狼爲藪鴉雀成羣山多鳥道路繞扶藤

羅陽縣

本邑地僻人稀形勝無稽

萬承州

山多地瘠險阻要區

太平府星野考

府志

府總

太平爲古荊州域十二辰爲巳於次鶉尾於宿爲翼軫分野

太平府山川考

府志

本府

白雲山在城東俗傳葛洪煉丹於此

文奎山學宮向山

金櫃山在府城外江東其山

中虛可容百人

佛子山在城南

天馬山在城東

白面山俗傳世有神遺金窖卽

此

青蓮山綿亙三百里上外奇峯一大洞天也按明一統志在府城北五里山色青碧通

連上下凍州治後亦有此山自交趾廣源州發脈西連州境

泥壁山在城北

鼉頭山

在府城東四里按明一統志屹立江心因名春夏波濤湧激有聲如雷

燈架山卽僧燈山

上有古寺遺跡有佛燈現故名

崇官山在舊縣北二里其山崆峒如室土官嘗遊於此故名之

馱夾山在舊縣北

連元山在府治南

將軍山在府城東按明一統志其山

聳立如武士

蟻頭山在府城東以形似名

黃泥嶺在府治內

環嶺在縣南二里

鄧巖明進士鄧宗孔讀書處

回陽巖有古僧坐禪趺跏而化

鐘鳴巖巖峒中可容十

數人呼若鐘鳴名宦多遺記

牛軛巖以其形似牛軛故名

麗江卽府前江按明一統

志遶府城東南西三面發源廣源州合七源州水歷龍州下思明會崇善縣水流經府前西轉

合右江之水入邕州

舊縣江一名崇善江合安平恩城諸水流於麗江其水清澈產魚香

而美餘皆不及

左江按明一統志發源交趾界流五百八十里至萬古寨下流九十里至

合江鎮與右江水合流入橫州鬱江

龍井泉在縣東北十餘里深丈餘砌有石階內崆峒

通府江其水夏涼冬溫常濟道路渴者飲而甘之俗傳有龍潛於其下古有亭有碑記

廣

濟泉按明一統志在城北二十里青連山陰

龍馬泉按明一統志在府治南其水清碧南

入麗江相傳有神龍化馬於此因名歲旱禱雨輒應

龍窠井按明一統志在後千戶所廩

內

養利州

古嵩山在州治南四里形如屏風

武陽山在州治東四里四面水遶下有雷壇凡遇旱禱

之輒應

勝奇山在七村離城三十里爲一州之門戶

帽山在州北形如幞頭爲州之

後靠

金馬山在州治西

小印山去州治一里

散花嶺在州治西三十里相傳土

官趙文安時設醮呂仙下降變作乞子臨壇土官惡其不潔使人拉出之呂仙手拍胸中成金

字題詩云串字去中心水同將共侵鬢邊無白髮匹馬去難尋後土官悟追至此嶺但見白馬

騰空天花散墜故名越再歲土官遂被事改流

觀音巖在州治東四里其山麓去地十餘